

**ԼՍՕՏՏ ԱՐԿԱՄ Ա. ԿԱԹՈՂԻԿՈՍԻՆ ՀԱՅՐԱԿԱՆ ԽՕՍԸՐ՝
 ԼՈՐ ՏԱՐՈՒՄԸ ԱՌԻԹՈՎ**

Ս. ԾՆՆՆԵԱՆ ՊԱՏՈՒԾՈՅ

ԴԱՌՆԱՆՔ ԱՍՏՈՒԾՈՅ ՈՒ ՄԵՐ ՆՄԱՆԻՆ

ԱՍՏՈՒԾՈՅ ՓԱՌՔԻՆ ՄԱՐԴԵՂԱՅՈՒՄԸ

Կը գտնուիք Նոր Տարուան սեմին:
 Մեր կեանքին մէջ Նոր տարին հաւ-
 գրուան մըն է՝ ինքնահայեցողութեան ու ինք-
 նաքննութեան ճամբով մեր անձին հետ ըլ-
 լալու: Մեր անձին հետ ըլլալ, կը նշանակէ
 անցնող օրերուն մեր ապրած կեանքը ու մեր
 կատարած գործը քննել ու արժեւորել: Վըս-
 տահ ենք, որ մեզ մէ իւրաքանչիւրը իրագոր-
 ծումներ կատարեց, յաջողութիւններ ունե-
 ցաւ, բարիքներ գործեց. միաժամանակ, որ-
 պէս անկատար արարածներ, թերացումներ
 ունեցաւ, սխալներ գործեց: Այդ բոլորի մա-
 սին հարկ է մտածել՝ սխալը չկրկնելու յանձ-
 նառութեամբ: Աստուած, մեր երկնաւոր հայ-
 րը ներող է, ինչպէս ներեց Անառակ որդիին: Նոր տարուան սեմին, Աստու-
 ծոյ դիմաց կոչուած ենք վերահաստատելու մեր հաւատքը ու ուխտը՝ քալե-
 լու Աստուծոյ ցոյց տուած ճանապարհէն, մեր կեանքը բարի գործերով հարըս-



**Հայրական ջերմ սիրով:
 1 Յունուար 2019
 Անթիլիաս
 Շար.՝ Էջ 8 ➤**

**«Եւ Բանդ մարդ եղաւ եւ մեր միջեւ բնակեցաւ,
 եւ մենք տեսանք անոր փառքը» (Յի 1. 14)**

Ս. ԾՆՆՆԵԱՆ տօնին կը վերոյիշենք որ Աստուած՝ յաւիտենականը, անե-
 րելոյթը եւ անմահը, «անհնազանդութեան մեղքը» (Հռ 5. 14) գործած մար-
 դուն փրկութեան համար, իր ծրագիրի իրականացման որոշ մէկ փուլին,
 մարդկային մարմին առնելով, մեզի պէս մարդ եղաւ (Փլպ 2. 7), աշխարհ
 եկաւ ու ինքզինք մեզի յայտնեց, ըսե-
 լով. «ով որ զիս տեսաւ՝ Հայրը տեսած
 եղաւ» (Յի 14. 9): Աստուծոյ Որդիին
 մարդեղացումով՝ ծնունդով, Բեթղեհէմ-
 եան մտուրին մէջ՝ մանկանալով եւ
 խանձարուրի մէջ ամփոփուելով՝ տիե-
 զերքի անբովանդակելի Տերը՝ Յիսուս
 Քրիստոս մեզի յայտնուեցաւ փառքով
 (Ղկ 2. 9) եւ այդ փառքը «ի՛նք կը լուսա-
 տորէ» (Յյտ 21. 23): Այդ իմաստով Առաք-
 եալը կը յայտարարէ. «Որդին, Հօրը
 փառքին լոյսը եւ անոր էութեան ճշգը-
 րիտ պատկերը» (Եբր 1. 3): Ուստի, վե-
 րացական նկատուած Աստուծոյ փառ-
 քը տեսանելի եւ յայտնելի իրականու-
 թիւն դարձաւ մարդոց համար եւ եր-
 կինքի անհասանելիութիւնը հարազատ
 մերձաւորութեան մէջ մտաւ մարդացեալ Փրկիչով: Մարդը «Նոր Արքայ»ով
 հաղորդուեցաւ եւ վերստին ճաշակեց Արարիչին փառքը: Հետեւաբար, Աս-
 տուծոյ «Բանին» մարդկանալը Եական նշանակութիւն ունեցաւ եւ ունի՝ մեզ
 «մեղք-մահ» անեղծուածէն ազատագրելուն եւ փրկութեան՝ յաւիտենական
 կեանքին հասցնելու համար: Հայ հոգեւոր բանաստեղծութիւնը՝ Ս. Ծննդե-
 ան շարականը լաւագոյն կերպով կ'ամփոփէ այս գործողութիւնը, եւ մենք
 կ'երգենք. «*Մեծ եւ սքանչելի խորհուրդ մը յայտնուեցաւ այսօր*»:



Մեր Փրկիչին ծնունդը հիմնական եւ Եական ի՛նչ իմաստներ կ'ընծայէ մեզի-
 ա) Աստուած մեզ մէ հեռու, օտար եւ անտարբեր եակ մը չէ, այլ Որդիին
 ծնունդով մեզի հետ է եւ մեր կողքին է (Մտ 1. 23): Մահուան դատապարտ-
 ուած մարդը լքուած մը չէ, այլ հոգատար Երկնաւոր Հայր մը ունի, որ եր-
 կինքէն՝ իր փառքէն երկիր կ'իջնէ կորուսեալ որդիները փնտռելու եւ փրկե-
 լու զանոնք (Ղկ 15):

բ) Աստուածորդին ո՛չ միայն արարիչն է մարդուն, մեր մարմինին, այ-
 լեւ հոգատարն է մեր ողջ էութեան՝ ամբողջութեան: Աստուածորդին ո՛չ
 միայն յանձնառու է մեր գոյութեան պահպանութեան, այլեւ այդ պատճա-
 ճով կը միջամտէ մեր կեանքին՝ ի նպաստ մեզի եւ կը խոստանայ «փառա-
 տորեալ մարմին» շնորհել հաւատարիմ ծառաներուն (Ա. Կր 15. 42-44):

գ) Աստուածորդին աշխարհ գալով նմանեցաւ մեզի (Եբր 2. 14, 17)՝
 ծնաւ, մանկացաւ, աճեցաւ «իմաստութեամբ եւ մարմնով» (Ղկ 2. 52)՝ բացի
 մեղքէն (Բ. Կր 5. 21), որպէսզի մեզ նմանեցնէ իրեն՝ Աստուծոյ: Ա՛յդ պատ-
 ճառով ալ Քրիստոս կը հասկնայ մեզ՝ մեր տկարութիւնները եւ կը կարեկցի
 մեզի (Եբր 4. 15):

դ) Աստուածորդին մեզ մեր մեղքերէն ազատելու նպատակով մարմ-
 նացաւ, եւ մարմինին մէջ դատապարտուած մարդը հոգեպէս բժշկեց՝ ազա-
 տեց մեղքի ու մահուան կապանքներէն (Ղկ 19. 10, Հռ 8. 3): Մեզ վերականգ-
 նեց Նոր Ադամին պատկերով եւ «*վերստին մարդը անմահացաւ, զարդար-
 ուած անկողողպտելի զգեստով*» (Շարական): Իր ծնունդով մենք վերածնանք
 ու իր փառքը հագուեցանք, ինչ որ կորսուցուցած էինք դրախտի մեր անկու-
 մին պատճառով: Մարդը երկրորդ Ադամով դարձաւ կրկին անգամ արար-
 չագործութեան պատկերը եւ իրմով վերագտաւ իրեն շնորհուած փառքը:

Արդարեւ, Քրիստոս մեր մէջ ծնաւ եւ մեր միջեւ բնակեցաւ, հաշտուե-
 ցաւ մեզի հետ, որովհետեւ սիրեց մեզ, եւ մեզ հաշտեցուց Հօրը հետ (Հռ
 5. 1, 10-11): Աւելին, մեր միջեւ հաշտութեան ուխտի պատարագ՝ ընծան կամ
 նուէրը եղաւ, երբ «երկրորդ Ադամը» մեղանշական Ադամը վերականգնեց
 եւ վերադարձուց անմեղ ու անեղծ դրախտային վիճակին (Ա. Կր 15. 45, Հռ

**Շահան Արք. Սարգսեան
 Առաջնորդ Հայոց Բերիոյ Թեմին
 Կիրակի, 6 Յունուար 2019
 Շար.՝ Էջ 8 ➤**

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
 ՍՓՅՈՒՌՔԻ ՆԱԽԱՐԱՐՈՒԹՅՈՒՆ
 ՆԱԽԱՐԱՐ

МИНИСТЕРСТВО ДИАСПОРЫ РЕСПУБЛИКИ АРМЕНИЯ
 МИНИСТР
 MINISTRY OF DIASPORA OF THE REPUBLIC OF ARMENIA
 MINISTER

**«Գանձասար» շաբաթաթերթի գլխավոր խմբագիր
 Չարմիկ Զիլաբոշեան-Պողիկեանին**
 Յարգելի՛ տիկին Զիլաբոշեան-Պողիկեան,
 Ձերմօրէն շնորհաւորում ենք Սուրբ Ծննդեան եւ Ամանորի տօների
 առթիւ եւ մաղթում, որ 2019 թուականը լինի սիրոյ, միասնութեան, ձեռք-
 բերումների եւ յարգանակների տարի:

2018 թուականը յատկանշական էր հայ ժողովրդի պատմութեան
 մէջ թաւշեայ, ոչ բռնի յեղափոխութեան իրագործումով, որը, վստահ եմ,
 Նոր էջ բացեց աշխարհասփիւռ հայութեան կեանքում: Ան պատմական
 հնարաւորութիւն է Նորովի վերանայելու, արժեւորելու եւ հզօրացնելու
 սփիւռքի հետ յարաբերութիւնները:

Անցնող տարի կարեւոր էր իւրաքանչիւրիս կեանքում: Ան մեզ Նոր
 յոյս, միաժամանակ վճռականութիւն ու ինքնավստահութիւն տուեց՝ հա-
 ւատալու, որ մենք կարող ենք փոխել մեր ներկան, ստեղծել Նոր իրակա-
 նութիւն, պաշտպանել մեզ ու մեր երկիրը, աշխարհի որ ծայրում էլ որ
 լինենք:

Տարին ամփոփուեց Ազգային Ժողովի արդար, ժողովրդի կամքն ար-
 տայայտող ընտրութիւններով, որով ՀՀ քաղաքացին վերստին համոզ-
 ուեց, որ ինքն ի զօրու է արժանապատուօրէն կառուցելու իր կեանքը:

Նոր Տարին թո՛ղ դառնայ իղձերի եւ յոյսերի իրականացման, հայրե-
 նիք-սփիւռք գործակցութեան առաւել սերտացման եւ համախմբման տա-
 րի՝ յանուն Նոր Հայաստանի, Արցախի ու սփիւռքի հզօրացման:

**Պաշտօնակատար՝
 Մխիթար Հայրապետեան**

ՀՀ 0010, Երևան, Վ.Սարգսյան 3
 0010, РА, Ереван, ул. В. Саргсяна,
 3 Str. V. Sargsyan, Yerevan, 0010

tel.: (+374 10) 58 91 55
 fax.: (+374 10) 58 91 55
 E-mail: ministry@mindiapora.am

Խմբագրական

ՅԵՏՊԱՏԵՐԱԶՄԵԱՆ ՍԱՐՏԱՅՐԱԿԵՐՆԵՐ

Ումանց համար լուրջ լուրջային կրկան թուիլ վերականգնում ու վերաշինություն եզրերը, ուրիշներու համար միայն քարաշեն կառույցներու վերաշինությունը փրկարար գործընթաց մը կրնայ համարուիլ հաւանաբար, սակայն յետպատերազմեան վերականգնումը շատ ավելին կը պարունակէ իր բովանդակ իմաստին մէջ:

Սուրիահայ համայնքին համար, նախքան վերականգնումի համապարփակ ծրագիրի մը որդեգրումը, անհրաժեշտ էր սերտել կորուստներուն բնոյթը, տարողութիւնն ու որակը: Ու այս ամէնը՝ ոլորտ ամ ոլորտ, որպէսզի կարելի ըլլար համայնքի ծաւալուն ու տարողունակ պահանջները բաւարարելու համար ծրագիր մշակել ու կառուցներու վերաշինութեան կողքին, այդ կառուցներու դերին շեշտադրումը կատարել մեր հաւաքական կեանքին մէջ: Այդ կառուցներէն ներս տարող աշխատանքներուն որակային անկումը կասեցնել ու քայլ ամ քայլ, համբերատար ու հետեւողական պատուաստումով բարելաւել որակը նաեւ:

Իսկ ո՞վ պիտի կատարէր այդ պատուաստումը... Բնականաբար տուեալ կառուցի առաքելութեան հանդէպ հաւատք տածողը, տարուած գործի որակին բարելաւման համար տագնապողը միայն:

Ու գումարուեցան ժողովներ՝ ազգային եւ թեմական մակարդակներու վրայ, մշակուեցան ծրագիրներ, կազմակերպուեցան վերաորակաւորման դասընթացքներ, տեղական պայմաններով գէթ նուաճել կարենալու առաջին ուստումին համար անհրաժեշտ մակարդակը՝ կրթական, միութեանական, մշակութային եւ այլ ոլորտներու մէջ:

Յուսանք ու մաղթենք, որ ծրագիրները կեանքի կոչուին ու ժողովներու, տեղեկագիրներու սահմանները հատելով ձեւ ու մարմին ստանան:

Այնուամենայնիւ, պատերազմը մեր ետին է այլեւս:

Սուրիոյ ու մանաւանդ Յալէպի հայահոծ թաղամասերը մէկ առ մէկ կեանք կ'առնեն, բանուկ կը դառնան: Ամայութիւնը մանուկներու խնձորով, աշակերտներու եռուզեռով ու դպրոցական հանրակառուցներու աղմուկով կը փոխարինուի, իսկ մութը՝ բնակարաններու, խանութներու, նոյնիսկ ազդալուստերու եւ ինքնաշարժներու լոյսին կը զիջի:

Վերաշինութիւնը ընթացք առած է արդէն...

Վերաշինութեան գործընթացին մէջ Բերիոյ Թեմը առաջնահերթութիւն տուաւ դպրոցաշինութեան, ապա աստիճանաբար վերանորոգման ընթացքի մէջ մտան բարեսիրական, մշակութային հաստատութիւններն ու եկեղեցիները՝ համայնքի թիւին ու կարիքներուն համաձայն:

Քաղաքական, յարաբերական գետնի վրայ սուրիահայ փոքրաթիւ համայնքին դերն ու ազդեցութիւնը, երկրէն ներս ընդհանրապէս, ընդգծելի ու օրինակելի համարուեցան ոչ միայն տեղւոյն ժողովուրդին, այլեւ պետական շրջանակներուն, նոյնիսկ երկրի առաջին դեմքին՝ նախագահ Պաշտարաւ Ասատի կողմէ:

Համայնքին դրական ներգործութիւնն ու վայելած յարգանքն ու վստահութիւնը մէկէ ավելի առիթներով արտայայտութիւն գտան: Յիշենք նախորդ տարուան (տարիներուն) ընթացքին արձանագրուած քանի մը ընդգծելի իրադարձութիւններ.

- Սուրիոյ Առաջին Տիկնոջ՝ Ամմա ալ Ասատի հրաւերով, սրբազան հօր գլխաւորութեամբ հալէպահայ միութիւններու շուրջ 25 ներկայացուցիչներ, 22 Ապրիլին հրաւիրուեցան նախագահական ժողովրդային պալատ եւ հանդիպում ունեցան Առաջին Տիկնոջ հետ: Հանդիպումին ներկայ գտնուեցաւ նաեւ Սուրիոյ նախագահը: Նախագահն ու Առաջին Տիկնոջ հետաքրքրուեցան հայ համայնքին տարած աշխատանքներով, վերաշինութեան ծրագիրներով: Նախագահը գնահատեց եւ խրախուսեց հալէպահայ միութիւններու ներկայացուցիչները եւ պատրաստակամութիւն յայտնեց աջակցելու վերաշինութեան կարգ մը աշխատանքներուն:
- Սուրիոյ խորհրդարանէն ներս հայ համայնքը այս շրջանին ունեցաւ երկու երեսփոխան:
- Տեղական ինքնակառավարման մարմիններուն մէջ մէկէ ավելի հայ թեկնածուներ ներգրուուեցան:
- Յալէպի պետական դպրոցներէն մէկը հայ նահատակի մը՝ Գրիգոր Աշնագլեանի անունը կրեց:

Այս բոլորը եկան հաստատելու սուրիահայ համայնքին շինիչ դերակատարութիւնն ու կառուցողական մօտեցումը տագնապի տարբեր փուլերուն: Ուստի հարկ է այս առաւելութիւնը ծառայեցնել վերանորոգուող Սուրիոյ մէջ հայ համայնքի լիարժեք դերակատարութեան ամրապնդումին:

Ներհայկական մակարդակի վրայ եական է իրատեսական մօտեցումով քննել համայնքին դիմագրուած դժուարութիւնները եւ անհրաժեշտ լուծումները չուշացնել կամ լոկ ցանկութեան սահմաններուն մէջ չթողուլ գանոնք:

Կրթական, միութեանական, թեմական մարզերէն ներս մարդուժի նուազումը կրնայ պատճառ հանդիսանալ համայնքի տեղեկային, եթէ լրջօրէն լուծումներ գտնելու յանդգնութիւն ու յանձնառութիւն չցուցաբերուի պատասխանատու մարմիններու կողմէ, յատկապէս երբ համացանցային բաց համակարգի օգտագործումով, այս օրերուն, կարելի է մէկէ ավելի ոլորտներու մէջ գործակցութեան եզրեր գտնել մասնագետներու, մտաւորականներու հետ եւ համապատասխան փոխանակումներ կատարել, դասընթացքներ անգամ կազմակերպել:

Տնտեսական անցուկ պայմանները, որուն հետեւանքով գաղթի տակաւ շարունակուող ընթացքը (թէեւ ավելի դանդաղ կշռոյթով) մեծ պատասխանատուութեան դէմ յանդիման կը դնեն համայնքի պատասխանատու մարմինները: Ուստի անհրաժեշտ է որ շտապ օգնութեան աշխատանքներուն մէջ կարելոր տեղ գրաւեն նաեւ տնտեսական ծրագիրները:

Երիտասարդ տարրին ներգրաւումը, այլազան մակարդակներու վրայ, նոր շունչ ու թափ կրնայ տալ մշակուած ծրագիրներու իրականացման ընթացքին:

Այս վերջին հրամայականներուն անսալը, կարելոր լիցք պիտի հաղորդէ վերականգնումի աշխատանքներուն եւ խթան հանդիսանայ համայնքի զարթոնքին: Չարթօնք, որուն այնքան կարիքը ունի սուրիահայութիւնը, շէքերու, կալուածներու վերաշինութեան կողքին, վերաշինութենէն անդին...:

«Գ.»

Տեղական Լրագրող

Երկուշաբթի, 31 Դեկտեմբեր 2018-ին, Սուրիական Բանակի Հրամանատարութիւնը վարչական հրամանագիր մը հրապարակեց, ըստ որուն 21 Նոյեմբեր 2010-էն սկսեալ 103 թուակիր գինուորական խմբակին մաս կազմող ու երկարած ծառայութիւն ունեցող սպաները, ինչպէս նաեւ 22 Մայիս 2010-էն ու 21 Սեպտեմբեր 2010-էն զօրակոչի ենթարկուած գինուորները զօրացրուումի կ'ենթարկուին:



Հրամանագիրին համաձայն, 1 Յունիս 2012-էն զօրակոչի ենթարկուած պահեստի սպաներն ու գինուորները եւս զօրացրուումի կ'ենթարկուին:

Հրամանատարութիւնը յայտնեց, որ հրամանագիրը գործադրութեան պիտի դրուի 2 Յունուար 2019-էն սկսեալ:

Գործընթացի, 3 Յունուար 2018-ին, Սուրիոյ Պաշտպանութեան Նախարարութիւնը հանդէս եկաւ յայտարարութեամբ մը՝ հաղորդելով, որ քրտական ինքնապաշտպանական ջոկատներ, իրենց դիրքերը յատկացնելով սուրիական բանակին, Մուսայունէն Եփրատ գետի արեւելեան ափ ուղղուած են՝ ի կատար ածելով 2018-ին ստորագրուած այն համաձայնութիւնը, ըստ որուն Սուրիոյ հիւսիսային շրջաններուն մէջ բնականոն կեանքը պիտի վերականգնի:



Արաբական Միացեալ Էմիրութիւնները Դամասկոսի մէջ իր դեսպանատան վերաբացումը կատարեց: Սուրիոյ մէջ ԱՄԷ-ու դեսպանի ներկայացուցիչ Ապտուլ Հաքիմ ալ Նահիմի դիտել տուաւ, որ իր երկրի դեսպանատան վերաբացումը նախաքայլը պիտի հանդիսանայ արաբական այլ երկիրներու դեսպանատաներու վերաբացման:



Այս առիթով, Արաբական Միացեալ Էմիրութիւններու Արտաքին Գործոց Նախարարութիւնը հանդէս եկաւ յայտարարութեամբ մը, յայտնելով որ այս քայլը կը շեշտէ բարեկամ երկու երկիրներուն միջեւ յարաբերութիւնը վերականգնելու ԱՄԷ-ու նախանձախնդրութիւնը: Սա կ'ամրապնդէ նաեւ արաբական երկիրներու դերը՝ Սուրիոյ ինքնիշխանութեան, անկախութեան եւ տարածքային ամբողջականութեան պահպանման գործընթացին մէջ:

Դիւանագիտական աղբիւրներ հաղորդեցին, որ Պահիւնի Թագաւորութիւնը եւս իր դեսպանատան վերաբացումը պիտի կատարէ յառաջիկայ շաբթուան ընթացքին:

Դեկտեմբերի ավարտին, հայաստանեան տնտեսական պատուիրակութիւն մը Դամասկոսի ամբարտանային հրահանգներով այցելեց եւ հանդիպում ունեցաւ գրասենեակի վարչական կազմին, սուրիահայ Գործարար Խորհուրդի անդամներուն եւ կարգ մը գործարարներու հետ:



Հայաստանի մէջ սուրիահայ համայնքի պատասխանատու ճորճ Բարսեղեան յայտնեց, որ այցելութեան նպատակն է Հայաստանի եւ Սուրիոյ միջեւ արդիւնաբերական, տնտեսական եւ ամբարտանային յարաբերութիւններուն աշխուժացումն ու զարգացումը:

Սուրիահայ գործարար խորհուրդի անդամ Լեւոն Չաքի Ետալեան յայտնեց, թէ անհրաժեշտ է որ հայաստանեան կողմը եւս խորհուրդին աշխատանքը խթանէ, յատկապէս Սուրիոյ մէջ հայաստանեան ներդրումներուն առնչուող գործառնությունները զարգացնել՝ երկու երկիրներուն միջեւ գործակցութեան հորիզոնը ընդլայնելու նպատակով, նկատի ունենալով յատկապէս, որ Սուրիա ներկայիս վերականգնումի սեփն կը գտնուի:

Լուրեր Հայաշխարհին



ԱՐՄԷՆ ՍԱՐԳՍԵԱՆ. «ԿԸ ՄԱՂԹԵՄ, ՈՐ 2019-Ն ԿՐԿԻՆ ՀԱՅԿԱԿԱՆ ՏԱՐԻ ԸԼԼԱՅ»

Հանրապետության նախագահ Արմեն Սարգսյանի Շաբաթ օր Ամենայն Հայոց Գարեգին Բ. Կաթողիկոսի, վարչապետի պաշտօնակատար Նիկոլ Փաշինյանի, Հայաստանի Հանրապետության Ազգային ժողովի նախագահ Արա Բաբլոյանի հետ մասնակցած է Ամանորի եւ Ս. Ծննդեան տօներուն առիթով պետական կառավարման համակարգի ներկայացուցիչներուն համար կազմակերպուած ընդունելութեան:

Նախագահ Սարգսյան շնորհաւորելով ներկաները ընդձած է, որ 2018-ն յատուկ տարի էր մեր երկրին ու ժողովուրդին համար. «Անիկա պատմական տարի է տարբեր իմաստներով: Եթէ մտածենք, թէ հայր ինչպէս կը բնութագրեն են Հայաստանի մէջ, են դուրսը, կ'արձանագրենք, որ հայր աշխատատեղ, ազնիւ մարդու կերպարը կը մարմնաւորէ: Ազգ, որ առաջին քրիստոնեան եղած է, որ կրած է 20-րդ դարու առաջին մեծ ողբերգութիւնը՝ Մեծ եղեռնը: Բայց նաեւ պիտի յիշենք, որ 2018-ին մեր ժողովուրդը կատարեց հսկայական փոփոխութիւններ, որոնք կարելի է գնահատել են իբրեւ թաւշեայ յեղափոխութիւն, են իբրեւ հայկական ձեռով յեղափոխութիւն»:

Հանրապետության նախագահը նշած է, որ, միաժամանակ, մեզ մե՛ իբրեւ երկիր ու ժողովուրդ, աշխարհի սպասելիքները աւելի շատ են. «Մեզ մե՛ պիտի սպասեն նոր յեղափոխութիւններ՝ տնտեսական, մշակութային, թերեւս նոր, փոքր հրաշքեր: Վստահաբար, նմանատիպ հրաշքեր պիտի սպասէ նաեւ ամբողջ ժողովուրդը»:

Նախագահը շնորհակալութիւն յայտնած է բոլորին, որոնք ազնուօրէն, հայրենասիրաբար, մասնագիտական ձեռով ծառայած են հայրենիքին, պետութեան եւ ազգային շահերուն:

«Կ'ուզեմ շնորհակալութիւն յայտնել հեռացող Ազգային ժողովին, պարոն Բաբլոյան, ձեզի յատկապէս, կառավարութեան բոլոր անդամներուն: Եւ, վստահ, կ'ուզեմ առիթը օգտագործել շնորհաւորելու պարոն վարչապետ, ձեզ եւ ձեր գործընկերները՝ խորհրդարանական ընտրութիւններուն փայլուն յաղթանակ տանելու առիթով: Կ'ուզեմ շնորհաւորել պարոն Ծառուկեանն ու պարոն Մարութեանը եւ անոնց գործընկերները՝ Ազգային ժողովին մէջ իրենց ներկայութիւնը ապահոված ըլլալուն համար»:

Անգամ մը եւս բոլորը շնորհաւորելով 2018-ի պատմական իրադարձութիւններուն համար՝ նախագահը յայտնած է. «Կ'ուզեմ մաղթել, որ 2019-ն են Հայաստանի համար, են միջազգային առումով կրկին ըլլայ հայկական տարի»:

ՓԱՇԻՆԵԱՆ. «ԻՆՉՊԷՍ 2018-Ն, ԱՅՆՊԷՍ ԱՆ 2019-Ն ՊԻՏԻ ԸԼԼԱՅ ՅԱՂԹԱՆԱԿՆԵՐՈՒ ՏԱՐԻ»

Նոյն ընդունելութեան իր խօսքին մէջ Հայաստանի վարչապետի պաշտօնակատար Նիկոլ Փաշինյան շնորհաւորելով ներկաները ըսած է. «Հիմնական հարցը, որ կը ծագի 2019-ի սեմին՝ հետեւեալն է. արդեօք կրնա՞նք ընել այն, որուն մասին կը խօսինք: Այս հարցը, վստահ, ունի մէկ պատասխան, անիկա դրական է, բայց այդ պատասխանին զուգահեռ գոյութիւն ունին պայմաններ: Այո՛, կրնանք, եթէ մենք կարենանք հաւատալ մեր ուժին, իսկ որպէսզի կարենանք հաւատալ մեր ուժին՝ անհրաժեշտ է, որ կարենանք հաւատալ մեր առաքելութեան: Մեր կառավարութիւնը առաքելութեան կառավարութիւն է, որ ի գործ կը դնէ իր առաքելութիւնը, որովհետեւ անկէկա ձեւակերպուած է մեր ժողովուրդի անցեալի եւ ապագայի նկատմամբ ունեցած հաւատքին եւ վստահութեան վրայ»:

«Այդ առաքելութիւնը ձեւակերպուած է այն ընկալման վրայ, որ ժողովուրդը, որ անցած է հազարամեայ աղետներէ չի կրնար պարտուիլ, որովհետեւ եթէ ան ըլլար պարտուող ժողովուրդ, այդ պարտութիւնը շատոնց կրած պիտի ըլլայինք: Հետեւաբար, հայ ժողովուրդը յաղթող է եւ հայ ժողովուրդը 2018-ին ապացուցեց ատիկա»:

«Մենք պետք է հասկնանք, որ բոլոր այն հարցերը, առաջադրանքները, որոնք կը ձեւակերպենք առաջադրուած են մեր ժողովուրդին կողմէ: Անոնք բոլորը լուծելի են, եւ մենք պարտաւոր ենք լուծել այդ հարցերը այն հիման վրայ, որ բոլորս պետք է արձանագրենք եւ հասկնանք, թէ անոնց լուծումը կը գտնուի մեր ուղեղին եւ սրտին մէջ: Եթէ մենք կարենանք հետեւիլ այս բանաձեւին՝ միանշանակ մեր առջեւ դրուած բոլոր հարցերը պիտի լուծենք»:

«Կը շնորհաւորեմ բոլորիս 2018-ի եւ 2019-ի առիթով: Համոզուած եմ, որ ինչպէս 2018-ն, այնպէս ալ 2019-ն պիտի ըլլայ յաղթանակներու տարի, բայց անոնք պետք է ըլլան շատ աւելի մեծ, շատ աւելի ընդգրկուն եւ շատ աւելի ռազմավարական յաղթանակներ», ըսած է վարչապետի պաշտօնակատարը:

ԱՐՃԱՆԻ ՆԱԽԱԳԱՀ ԲԱԿՕ ՍԱՀԱԿԵԱՆ. «ՄԵՐ ՅԱՅՈՂՈՒԹԻՒՆՆԵՐՈՒՆ ԶԻՄՆԱԿԱՆ ԵՐԱՇՆԱԽՈՐԸ, ՆԱԽ ԵՒ ԱՌԱՋ, ՄԵՐ ՇԵՐՈՍ ԲԱՆԱԿՆ Է, ՀԱՅՐԵՆԻՔԻ ՊԱՇՏՊԱՆՈՒԹԵԱՆ ԴԻՐՔԵՐՈՒՆ ԿԱՆԳՆԱԾ ՀԱՅ ԶԻՆՈՒՐԸ»

Արցախի Հանրապետութեան Նախագահ Բակօ Սահակեան 31 Դեկտեմբերին Ամանորի եւ Սուրբ Ծննդեան տօներուն առիթով շնորհաւորական ուղերձ յղած է:

Ուղերձին մէջ մասնաւորաբար ըսուած է. «Ամանորի եւ Սուրբ Ծննդեան տօները մեզ կը տեղափոխեն մանկութեան աշխարհ, ուր կը գերիշխեն սերն ու ջերմութիւնը, հոգատարութիւնն ու լաւատեսութիւնը, յոյսն ու հաւատքը, ուր անպայման տեղի կ'ունենայ իսկական հրաշք եւ կ'իրականանան նուիրական երազանքներն ու փափաքները»:

Հոգեպէս բոլորս կը փափաքինք, որ մեր ընտանիքի անդամները, հարազատները, բարեկամները, ընկերները ըլլան առողջ ու երջանիկ, որ խաղաղութիւնը տիրէ աշխարհին, կայուն ու կշռութաւոր կերպով զարգանայ հայրենի երկիրը:



Միաժամանակ կը կազմենք ծրագիրներ, գորս կեանքի պիտի կոչենք նոր տարուան մէջ՝ առ արեւելի ամրապնդելով մեր պետականութիւնը, պաշտպանունակութիւնը եւ անվտանգութիւնը, զարգացնելով տնտեսութիւնը, բարելաւելով մարդոց կենսական պայմանները, բարձրացնելով բնակչութեան կենսամակարդակը:

Մենք համատեղ ուժերով կ'իրականացնենք բոլոր նախատեսուած ծրագիրները, միասին ու համախմբուած կերպով կը լուծենք համազգային հարցերը եւ կը տօնենք նոր յաղթանակներ՝ միշտ կուռ պահելով Հայաստան-Արցախ-Սփիւռք անսասան եռամիասնութիւնը:

Մեր յաջողութիւններուն հիմնական երաշխաւորը, նախ եւ առաջ, մեր հերոս բանակն է, հայրենիքի պաշտպանութեան դիրքերուն կանգնած հայ զինուորը:

Ինչպէս միշտ, գալիք տարուան մէջ եւս առանձնայատուկ ուշադրութեան առարկայ պիտի դառնայ բանակաշինութեան ոլորտը, եւ մեր կարելի պիտի ընենք Պաշտպանութեան բանակի մարտունակութեան աստիճանը բարձր պահելու, այդ եւ միւս բոլոր բնագաւառներուն մէջ հայկական երկու հանրապետութիւններու համագործակցութիւնը խորացնելու համար»:

Թող 2019-ը մեր հայրենիքին համար ըլլայ խաղաղութեան, յաղթանակներու, նոր յաջողութիւններու եւ ձեռքբերումներու տարի»:

ԱՐԱ ԲԱԲԼՈՅԵԱՆ. «ՄՏԱՆՔ ԲԱՂԱՔԱԿԱՆ ՈՒ ՀԱՍԱՐԱԿԱԿԱՆ ԿԵԱՆՔԻ ՎԵՐԱՓՈԽՈՒՄՆԵՐՈՒ ՆՈՐ ՓՈՒՆ»

Հայաստանի Հանրապետութեան Ազգային ժողովի նախագահ Արա Բաբլոյան շնորհաւորական ուղերձ յղած է Ամանորի եւ Ս. Ծննդեան տօներուն առիթով:

Ուղերձին մէջ յիշուած է. «Սիրելի՛ հայրենակիցներ, կը շնորհաւորեմ Ամանորի եւ Ս. Ծննդեան տօներուն առիթով, կը մաղթեմ ամենայն լաւն ու բարին: Աւարտող 2018-ին մենք մտանք քաղաքական ու հասարակական կեանքի վերափոխումներու նոր փուլ: Ունեցանք են լաւ, են դժուարին օրեր: Ու թող 2019-ն դառնայ դէպի ապագան գացող մեր մտայնացումները կեանքի կոչելու տարի»:

Բնականաբար, նախ եւ առաջ կը շնորհաւորեմ մեր զինուորները, հրամանատարները, Ամանորը սահմանամերձ բնակավայրերուն մէջ դիմաւորող մեր հայրենակիցները, որոնք կը պաշտպանեն այս երազած ու յաղթական խաղաղութիւնը:

Տօնական այս օրը կը ցանկամ, որ ամանորեան եղեւիները զարդարող շրթաները նաեւ լուսաւորեն ժողովրդավարական պետութիւնն ու քաղաքացիական հասարակութիւնն ստեղծելու մեր ընտրած ճամբան:

Կրկին շնորհաւորելով Ամանորի եւ Ս. Ծննդեան տօներուն առիթով՝ կը մաղթեմ, որ սկսող 2019-ն դառնայ առողջութեան, բարեկեցութեան, հայրոց պետականութեան հետագայ ամրապնդման, տնտեսութեան, մշակոյթի, գիտութեան ու կրթութեան զարգացման եւ մեր երազանքներու իրականացման հերթական տարին»:

Ընկերաբարոյական

ԿԵԱՆՔԸ ԴԱՐՁՆԵԼ ԿՊՐԵԼՈՒ ԿՐԺԱՆԻ



Խաչիկ Ծախիսեան

Հոգեբան-գիտնականներ կը հաստատեն, թէ կենդանի մը երբ որեւէ ցանցի կամ արգելքի հանդիպի իր սնունդին տանող ճամբուն վրայ, բազում, թեկուզ անհամար անգամներ կը փորձէ այդ արգելքը շրջանցել եւ իր նպատակին հասնիլ, նոյնիսկ եթէ այդ կենդանին թոյլ աստիճանի ուշիմութեան կամ զգոնութեան տէր է, ինչպէս օրինակ՝ հաւը...:

Նման կացութեան մէջ գտնուող այլ կենդանի մը՝ շունը մինչ անդադար կը դառնայ իր առջեւ յայտնուած պատուարի կամ ցանցի շուրջ, ջանալով ամէն գնով յաղթահարել զայն եւ անպայման տիրանալ արգիլուած կերին, անդին՝ խորամանկ կապիկը անելի խելացի միջոցներու կամ հնարքներու կը դիմէ նոյն թիրախը նուաճելու համար:

ձեռք երկարելու ուրիշներուն, յատկապէս կարօտեալներուն, անտեսելով եւ ստորագնահատելով իր անձէն դուրս ամէն ոք...:

Այսօրինակ բացասական տիպարներ թեւ կը կազմեն մարդկութեան գերակշիռ մեծամասնութիւնը, սակայն բարեբախտաբար տակաւին կարելի է հանդիպիլ ազնիւ մահկանացուներու, որոնք կը շարունակեն պահել իրենց բարոյականութիւնն ու առաքինութիւնը, վեհանձնութեամբ կը փորձեն հակակշռել յարատեւօրէն աճող եւ ահագնացող եսապաշտ եւ կործանարար վարքի տէր մարդոց եպտերի ընթացքը:

Մարդ արարածի գիտակցութիւնը որքան բարձրանայ, այնքան պիտի բազմապատկուի անոր



Մարդը իր կարգին, որ իր պայծառատեսութեամբ եւ գերազանց արթնամտութեամբ կը գատորոշուի միւս բոլոր արարածներէն, հետեւողական ջանքերով կը ճարէ նորաւոր միջոցներ, կ'որոնէ արտասովոր լուծումներ կենսագործելու համար իր երագներն ու տեսլականները, առաջադրուած ուղին որքան ալ ըլլայ դժուար, տատանկոտ եւ արկածալի:

Բանաւոր եակը յամառութեամբ եւ ուժերու գերլարումով կը տքնի մագցիլ բարձրանալու նուաճել դժուարամատոյց դիրքեր, վտանգաւոր բայց վճռական ուստումներով անդրանցնիլ խոչընդոտներ, արհամարհելով կարգ, կանոն ու նախապայմաններ... ինչ ալ ըլլայ պահանջուած գոհողութիւնը, որքան ալ ասօրինի եւ վնասակար ըլլան որդեգրուած ճանապարհներն ու եղանակները: Սեփական շահու կամ դիրքի տիրանալու համար չի վարանիր վանել այլոց, նոյնիսկ բարեկամներու... մեծամտութեամբ եւ ապերախտութեամբ կ'ուրանայ անցեալ եւ արմատներ, կը մոռնայ անմիջական շրջապատ ու հարազատներ, միշտ նկրտելով բարեկամութիւն հաստատել ընկերային արժանապատիւ եւ բարձրադաս նկատուող խաւի հետ... անելին՝ իր ընդունակութիւնները, ուշիմութիւնն ու մտաւոր գերազանցութիւնը կ'օգտագործէ բացասական ուղղութեամբ, առանց մտածելու օգտակար ծրագիրներու եւ բարեգործութեան մասին, առանց ուշադրութիւն ընծայելու կամ օժանդակութեան

նպաստն ու ներդրումը իր պատկանած ընկերութեան, ազգին եւ ուրեմն՝ մարդկութեան: Գիտակցութիւնը սերտօրէն աղերսուած է մարդու բարոյականութեան, նկարագրին եւ վարքագծին: Առողջ գիտակցութիւնը կը մնայ յուսատու աղբիւր եւ անփոխարինելի գրաւական անսանձօրէն սայթաքող, դէպի անդունդ գահավիժող մարդկութիւնը ընդմիշտ կորուստէ եւ կործանումէ փրկելու համար:


Բարութեամբ եւ օրինակքով պարուրուած երագը, վսեմ ցանկութիւնը, կը մնայ ապագայատեսիլ մեկնարկ եւ վերանորոգ խթան՝ մեր մոլորակը բարօրութեան, գարացման եւ յառաջդիմութեան առաջնորդող:

Կը մնայ հարց տալ, թէ արդեօք երագի կամ ձգտումի որեւէ պատեհութիւն եւ տեսատարածք տրամադրելի՞ է տակաւին:


Օրըստօր տարբերութիւնները կը շեշտուին մարդոց միջեւ, գանոնք բաժնող խրամատը կը խորանայ, անջրպետը կը ծաւալի, դառնալու համար անկամարելի: Յիրաւի՝ չքաւորը անելի կ'աղքատանայ չկարենալով նուազագոյն օրապահիկն անգամ ճարել, իսկ ընչաւորը անելի կը հարստանայ, կը յղփանայ, մինչեւ ականջները խրելով վայելքի, հեշտանցի եւ գեխութեան մէջ: Տընտեսական հզօրանքը այս վերջինը դարձուցած է յաւակնոտ ու անպատկառ, անփոյթ եւ անպատասխանատու: Բացի դրամէ ան կը թերագնահատէ որեւէ արժէք ու հան-

Շար.՝ Էջ 10

ԱՆՍՊԱՍԵԼԻՆ (Իրական կեանքէ առնուած)



Արշակ Իսրայէան



Դուրսը այդ օր պաղ օդին Մութին կեցած եւ միակ Սպասեցի այն մէկին Երկար-երկար ժամանակ:

Եկաւ մէկը հեռուն Անփոյթ անցաւ ու գնաց Ոտքս առաջ չգնաց Մնացի այնտեղ գամուած:

Սպասեցի երկրորդին Որ պիտի գար վաղ թէ ուշ Սիրտս յագեցնէր կրկին Համեստութեամբ իր քնքուշ:

Եկաւ, կեցաւ ան երկար -Ինքն է, ըսի ես, ահա՛ Անցած այնքան ճանապարհ Ու հոս հասած է հիմա:

Խնդրեցի ես անկէ՛ Սրտիս կրակը մարէ, Խոցուած սիրտս ամոքէ Սպիներս ան կարէ:

Անփոյթ անցաւ երկրորդն ալ Ան գիս ձգեց մութին մէջ Միակ, պաղին ու ցուրտին, Կրակ ու հուր հոգւոյս մէջ:

Միակ ճարը իմ գլխին՝ Վստահեցայ իմ անձին Ամբերի իջած բանալին Բարձրացուցի ե՛ս կրկին:

ԱՌԱՋՆՈՐԴ...

Սկիզբ՝ Էջ 12

«Պահպանիչ»

աղօթքով, որմէ ետք հաւաքաբար երգուեցաւ «Կիլիկիա» մաղթերգը: Աջահամբոյրի եւ շնորհաւորանքի ընթացքին Սրբազան Հայրը Հայ եկեղեցւոյ հոգեգմայլ շարականները եւ տաղերը պարունակող խտասալիկներ բաժնեց իւրաքանչիւր ընտանիքի:

Ներկաները հիւրասիրուեցան եկեղեցւոյ թաղականութեան եւ տիկնանց օժանդակ մարմինին կողմէ պատրաստուած քաղցրեղէնով ու շնորհաւորեցին գիրար:

Նոր Տարուան առաջին ժամերուն, Ս. Պատարագէն ու Պատգամէն ետք, շնորհաւորական ժողովրդային հանդիսումի ակարտին, Երեքշաբթի, 1 Յունուար 2019-ին, միջօրէի ժամը 1:00-ին, Բերիոյ Հայոց Թեմի Առաջնորդ Գեորգ Տ. Շահան Ս. Արք. Սարգիսեան, քահանայից դասուն ընկերակցութեամբ, ակադեմիական դարձած յատուկ այցելութիւն մը շնորհեց Հայ Ծերանոցին:

Սրբազան Հայրն ու քահանայ հայրերը դիմաւորուեցան խնամակալութեան ներկայացուցիչներուն

եւ տնօրէնութեան կողմէ:

Պատասպարեալները սրտի ցընծութեամբ լսեցին Ամանորի եւ Ս. Ծննդեան նուիրուած երգեր ու շարականներ:

Առաջնորդ Սրբազան Հայրը մտերմիկ գրոյց մը ունեցաւ ծերունազարդ պապիկներուն եւ մամիկներուն հետ, անոնց մաղթելով քաջառողջութիւն եւ արեւշատութիւն:

Տօնական մթնոլորտը տիրական էր: Սրբազան Հայրը իր շքախումբով այցելեց իւրաքանչիւրին սենեակը, օրինաբեր խօսքերով խրախուսեց գիրենք եւ քաջալերեց ծառայողները:

Օրուան ճաշի հիւրասիրութիւնը, որպէս սրտաբուխ նուէր, հրամցուեցաւ Սրբազան Հայր կողմէ:

Աստուածահաճոյ այս նախաձեռնութիւնը անսանձական սիրոյ վեհութիւնը կը պարզէր:

Խանդավառ էր Հայ Ծերանոցի մեծ ընտանիքը:

Գոհութիւն Աստուծոյ այս յատկանշական առիթին համար:

Թող Հայ Ծերանոցը շարունակէ իր առաքելութիւնը մեր համայնքի կեանքին մէջ՝ վայելելով մեր ժողովուրդի անվերապահ աջակցութիւնը:

«Եկո՛ւր, Նոր Տարի, գալուստդ բարի»:

ԱՌԱՋՆՈՐԴ ՍՐԲԱՉԱՆ ՀՕՐ ԱՄԱՆՈՐԵԱՆ ԱՅՅԵԼՈՒԹԻՒՆՆԵՐԸ

Ամանորի ուրախ առիթով, Երեքշաբթի 1 Յունուար 2019-ին, Բերիոյ Յայոց Թեմի Առաջնորդ Գերշ. Տ. Շահան Ս. Արք. Սարգիսեան, յետ Ս. եւ Ամմահ պատարագի, Ս. Աստուածածին եկեղեցւոյ ներքնասրահէն ներս ընդունեց հաւատացեալ ժողովուրդին շնորհաւորանքը:

Ներկայ էին քահանայից ամբողջ դասը, Ազգ. Վարչութեան ներկայացուցիչներ եւ խումբերամ բազմութիւն մը: Եկեղեցւոյ դպրապետին՝ բժ. Սարգիս Իսկէնեանի ղեկավարութեամբ գործադրուեցաւ գեղարուեստական կրկին յայտագիր: Փոքրիկն Անդրանիկ Կիւլտալեան սրինգի նուագով ելոյթ ունեցաւ, ապա, ժողովուրդին խանդավառ մասնակցութեամբ, հնչեցին շարականներ եւ հայաշունչ երգեր: Մարիանա Ղազարեան-Պերթիզլեան յատուկ առգանութեամբ կարդաց Նոր Տար-



րուեցաւ գեղարուեստական կրկին յայտագիր: Փոքրիկն Անդրանիկ Կիւլտալեան սրինգի նուագով ելոյթ ունեցաւ, ապա, ժողովուրդին խանդավառ մասնակցութեամբ, հնչեցին շարականներ եւ հայաշունչ երգեր: Մարիանա Ղազարեան-Պերթիզլեան յատուկ առգանութեամբ կարդաց Նոր Տար-



ուան առիթով իր գրած բանաստեղծութիւնը: Աւարտին Առաջնորդ Սրբազան Յայոց փոխանցեց իր սրտի խօսքն ու աղօթաբոյր բարեմաղթութիւնները: Սրբազան Յայոց ըսաւ. «Գոհաբանական զգացումներով փառք կը վերառաքեմ ամենակա-



Աստուծոյ, որուն շնորհիւ կարելի եղաւ դիմաւորել 2019 թուականը: Յուսադրուած վիճակով եւ բարձր տրամադրութեամբ այստեղ համախմբուած ենք: Աւանդութեան վերածնունդը հաւաք մըն է այսօրուան հանդիպումը: Մեր աչքերուն առջեւ պարզուած այս հրաշալի երեւոյթը Աստուծոյ հովանաւոր գործութեան գեղեցիկ պատկերն է, որ հոգեւոր խորք ունի: Բարիք գործելը բարոյական արժեքներուն մեծագոյնը կը համարուի: Ուստի միշտ բարիին կառչիմք, միեւնոյն ատեն ժամանակի նշանները կարդանք»:

Ապա իր խօսքը եզրափակելով ըսաւ. «Քրիստոսի օրինակին հետեւիլը, որպէսզի սիրոյ շերտ-մութեամբ ապրինք եւ մեր կեանքը արժեւորենք»:

Մտերմիկ հանդիպումը աւարտին հասաւ
Շար.՝ 19 7 ➤

ՏՕՆ Ս. ՍՏԵՓԱՆՈՍ ՆԱԽԱՎԿԱՅԻ Ս. ԱՍՏՈՒԱԾԱԾԻՆ ԵԿԵՂԵՑԻՈՅ ՄԷՋ

Ս. Ստեփանոս Նախասարկաւազը իմաստութեամբ Աւետարան կը քարոզէր: Ան կոչումին գիտակից եւ առաքելներուն գործակից էր: «Առաքելներուն գործերը» հեղինակը իր մասին կը վկայէ ըսելով. «Հաւատքով եւ Սուրբ Հոգիով լեցուն մարդ մըն էր» (Գրծ 6.5): Ստեփանոս հաւատա-



րիմ մնաց Քրիստոսի նկատմամբ եւ արեան վկայութեամբ Նահատակութեան պատկան արժանացաւ: Ուստի, հանդիսացաւ նորահաստատ եկեղեցւոյ հաւատքի արքայը:

Հայ առաքելական եկեղեցին Ս. Ստեփանոս Նախավկային սրբաշող յիշատակը սարկաւազաց տօն կը համարէ: Ահա թէ ինչո՞ւ իւրայատուկ առիթ է մեծ սուրբին նուիրուած տօնախմբութիւնը:

Արդարեւ, Երեքշաբթի, 25 Դեկտեմբեր 2018-ին առաւօտեան ժամը 9:00-ին, Ս. Աստուածածին եկեղեցւոյ մէջ, Ս. Ստեփանոսի տօնին առիթով հանդիսապետութեամբ Բերիոյ Յայոց Թեմի Առաջնորդ Գերշ. Տ. Շահան Սրբ. Արք. Սարգիսեանի, ներկայութեամբ քահանայից դասուն, Ս. եւ Ամմահ պատարագ մատուցուեցաւ: Երգեցողութիւնը կատարեց Ս. Աստուածածին Ս. Գ. Լուսաւորի եկեղեցիներու դպրաց դասերը, ղեկավարութեամբ բժ. Սարգիս Իսկէնեանի: Պատարագիչն էր



Արթ. Տ. Չարեհ Քիւնյ. Շաքարեան: Յատկանշական երեւոյթ էր Ս. Խորանին սպասարկող սարկաւազներուն մասնակցութիւնը, որոնք Հայէպի եկեղեցիներուն մէջ կը ծառայեն: Անոնք թափօրին միացան, սաղաւարտները իրենց գլխուն վրայ: Աւանդութիւն դարձած այս կարգադրութիւնը իր շարունակականութիւնը պահած է, ի պատիւ սարկաւազներուն, որոնք կանչուած են Ս. Ստեփանոսի կեանքին օրինակ առնելու եւ իրենց ուխտը վերանորոգելու: Բազմութիւնը երկիւղած ապրումով կը հետեւեր հոգեպարար արարողութեան:

Օրուան խորհուրդը փոխանցեց Արթ. Տ. Յուսիկ Ա. Քիւնյ. Սեդրակեան: Ան Ս. Ստեփանոս Նախավկային նկարագրային կարեւոր տուեալներուն մասին անդրադարձաւ, շեշտելով անոր համարձակախօսութիւնը, որով անվախօրէն քարոզեց՝ ճշմարտութեան ջահակիրը ըլլալով: Քահանայ հայրը ըսաւ. «Ս. Ստեփանոս Ս. Գրային վկայութիւններով կը խօսէր, անկաշկանդ կ'արտայայտուէր եւ Սուրբ Հոգիի ներշնչումով դարձի գալու եւ զՔրիստոս ընդունելու կը հրաւիրէր: Ան արի կեցածքով երբեք չվախցաւ խաւարատը ամբոխին զրպարտութիւններէն եւ Նախատիկէն: Այլ՝ անխախտ հաւատքով Նախընտրեց Նահատակութիւնը, ի խնդիր եկեղեցւոյ աճման եւ Աստուծոյ

Շար.՝ 19 6 ➤

ՏԱՐՈՒՄՆ ՎԵՐԳԻՆ ԿԻՐԱԿՆՕՐԵԱՅ ՊԱՏԱՐԱԳ ԵՒ ՄՆԵՂԱԿՈՂՈՎՆԵՐՈՒ ԲԱՇԽՈՒՄ

Բարիք գործելը հաւատքի խօսուն արտայայտութիւնն է: Առաքելը Քրիստոսի մասին վկայելով կ'ըսէ. «Անկեղ շրջեցաւ՝ բարիք գործելով» (Գրծ 10.38). «Յիսուս կատարեց եւ սորվեցուց» (Գրծ 1.1). մեր Տէրը գործով ցոյց տուաւ իր գործութիւնը, ողորմութիւնը եւ մարդասիրութիւնը: Ուստի, քրիստոնէական հաւատքը կը թելադրէ ժամանակը արժեւորելու բարի արարքներով, որովհետեւ բարգործութիւնը հաւատքի ճանաչալթող ներկայութեան գեղեցկագոյն օրինակն է:

Արդարեւ, Կիրակի, 30 Դեկտեմբեր 2018-ին, Ս. Գրիգոր Լուսաւորիչ եկեղեցւոյ մէջ մատուցուեցաւ տարուան վերջին Կիրակնօրեայ Պատարագը, հանդիսապետութեամբ Բերիոյ Յայոց Թեմի Առաջնորդ Գերշ. Տ. Շահան Սրբ. Արք. Սարգիսեանի: Ներկայ էին եկեղեցւոյ քահանայից դասը եւ հաւատացեալներու հոծ բազմութիւն մը: Պատարագիչն էր Արթ. Տ. Յուսիկ Ա. Քիւնյ. Սեդրակեան: Առաջնորդ Սրբազան Յայոց քարոզի բնաբան ընտրեց Պօղոս առաքելին հետեւեալ աղօթաշունչ խօսքը. «Թող խաղաղութեան Աստուածը ձեզի կարողութիւն տայ ամէն տեսակ բարե-



գործութեամբ իր կամքը կատարելու» (Եբր 13.20):

Սրբազան Յայոց ըսաւ. «Խաղաղութիւնը կրաւորական վիճակ չէ, այլ՝ հաշտութեան, համերաշխութեան եւ սիրոյ ներքին այն ուժականութիւնն է, որ իր դրական արտայայտութիւնը կ'ունենայ անպայմանօրէն, այլ՝ ապէս խաղաղութիւնը կը պարպուի իր իմաստէն: Աստուած ինք խաղաղութիւն կու տայ, իսկ մարդը զայն կը ստանայ ընդհանուր բարիքին ծառայեցնելու նպատակով եւ ոչ անձնական պատկերացումներուն համար: Խաղաղութիւնը ենթահողն է բարեգործութեան: Խռովարարը չի կրնար բարիք սերմանել: Այսօր ուրախութիւնը ունինք յայտնելու թէ Ս. Գրիգոր Լուսաւորիչ եկեղեցւոյ աղքատախնամ մարմինը, իր խնամքին յանձնուած կարիքաւոր ընտանիքներուն սննդակողով պիտի բաշխէ, որպէս աջակցութիւն ու մանաւանդ սիրոյ գործի դրուած հաւատքի վկայութիւն: Այս պատուաբեր գործը լրումին հասաւ Նախ Աստուծոյ շնորհքով ապա բարեբարներուն եւ աղքատախնամին ծիգերով»:

Թող բացուող Նոր Տարին ըլլայ օրինաբարչիս, Աստուծոյ ներկայութեամբ ապրելու, որպէսզի մարդկութեան վարկը բարձր պահենք եւ բարեգործութեամբ մեր կեանքը հարստացնենք անկողոյստելի եւ անանցանելի գարդերով»:

Յետ Ս. եւ Ամմահ Պատարագին, Առաջնորդ Սրբազան Յայոց պաշարներու օրհնութեան յատուկ աղօթքը կատարեց, խրախուսելով տարուած աշխատանքը, բոլորին մաղթելով բարեյաշող երթ:

Վարձքը կատար եւ ուժը անսպառ բոլոր ծառայողներուն:

Սրտաբուխ նուէրները առատաձեռնութեան ապացոյցն են:

Առատաձեռնութեամբ փոխանցուած նուիրատուութիւնները գ Աստուած գոհաբանելու ազդակն են:

«Ով որ առատօրէն սերմանէ՝ առատօրէն ալ կը հնձէ» (Բ. Կր 9.6): Թող բարիք սերմանելը ըլլայ սիրալիր վարմունքը եւ ապրելակերպ՝ Աստուծոյ փառքին եւ հայ եկեղեցւոյ պայծառութեան համար:

Էջը պատրաստեց՝ Խորեն Քիւնյ. Պերթիզլեան